

Mércores, 20 de decembro de 2023

Núm. 243

ADMINISTRACIÓN LOCAL**PROVINCIAL****DEPUTACIÓN PROVINCIAL****Subvencións e axudas**

EXTRACTO DO ACORDO NÚM. 34.33266, NO QUE SE APROBAN AS BASES REGULADORAS E CONVOCATORIA DE SUBVENCIÓNS DO PROGRAMA DE ACCIÓN COMUNITARIA DA PROVINCIA DE PONTEVEDRA PARA O ANO 2024 (PLAN PROVINCIA COMUNITARIA 2024)

EXTRACTO DO ACORDO NÚM. 34.33266 DA XUNTA DE GOBERNO DA DEPUTACIÓN DE PONTEVEDRA, ADOPTADO NA SESIÓN ORDINARIA DE 11 DE DECEMBRO DE 2023, NO QUE SE APROBAN AS BASES REGULADORAS E CONVOCATORIA DE SUBVENCIÓNS DO PROGRAMA DE ACCIÓN COMUNITARIA DA PROVINCIA DE PONTEVEDRA PARA O ANO 2024 (PLAN PROVINCIA COMUNITARIA 2024)

BDNS(Identif.): 733709

De acordo co disposto nos artigos 17.3.b e 20.8.a da Lei 38/2003, do 17 de novembro, xeral de subvencións, publícase o extracto da convocatoria, cuxo texto completo se pode atopar na Base de Datos Nacional de Subvencións (<https://www.infosubvenciones.es/bdnstrans/GE/es/convocatoria/733709>).

Mediante o acordo núm. 34.33266 da Xunta de Goberno da Deputación de Pontevedra, adoptado na sesión ordinaria de 11 de decembro de 2023, aprobáronse as bases reguladoras e a convocatoria de subvencións do programa de acción comunitaria da provincia de Pontevedra para o ano 2024 (Plan Provincia Comunitaria 2024), publicadas e dispoñibles no Boletín Oficial da Provincia de Pontevedra (BOPPO) e na Sede electrónica da Deputación, <https://sede.depo.gal>.

PRIMEIRO. ENTIDADES BENEFICIARIAS.

As asociacións de veciños, confederacións, federacións ou unións de asociacións de veciños e asociacións de mulleres rurais da provincia de Pontevedra que estean legalmente constituídas e debidamente inscritas no Rexistro de Asociacións da Comunidade Autónoma de Galicia (central ou provincial), e cumplan os requisitos sinalados na base 4^a.

SEGUNDO. OBXECTO.

Constitúe o obxecto destas bases a ordenación do procedemento aplicable para a concesión de subvencións, en réxime de concorrencia competitiva, para sufragar os gastos derivados de investimentos (execución de obras e adquisición de equipamentos) realizados polas entidades



Mércores, 20 de decembro de 2023

Núm. 243

beneficiarias no marco das actuacións subvencionables definidas na base 1ª e cuxa execución se inicie a partir do 1 de xaneiro de 2024 ata o fin do prazo de execución.

TERCEIRO. RÉXIME XURÍDICO.

De conformidade co establecido no artigo 5 da Lei 38/2003, de 17 de novembro, xeral de subvencións (LXS) e do artigo 4 da Ordenanza xeral de subvencións da Deputación de Pontevedra (OXS), as axudas que se arbitren a favor das entidades beneficiarias no marco desta liña de axudas, terán o carácter de subvencións e rexeranse pola seguinte normativa: a LXS, nos artigos de carácter básico e na súa normativa tamén básica de desenvolvemento; Lei de subvencións da Comunidade Autónoma de Galicia e a súa normativa de desenvolvemento; artigos non básicos da LXS e normativa de desenvolvemento; lexislación de réxime local estatal e autonómica; a OXS; Bases de execución do orzamento, sobre todo nos aspectos orzamentario e contable; convocatoria e bases reguladoras destas; actos administrativos ditados polos distintos órganos da Deputación.

CUARTO. CONTÍA E APLICACIÓN ORZAMENTARIA.

O financiamento deste programa ascende a un total de UN MILLÓN DE EUROS (1.000.000,00€) financiados con fondos propios da Deputación con cargo ao orzamento provincial do exercicio 2024, imputables contra a aplicación orzamentaria 2024/942.4590.789.07.

Esta contía poderá ampliarse como consecuencia da existencia de remanentes noutras convocatorias da forma establecida na base quinta.

QUINTO. PRAZO DE PRESENTACIÓN DE SOLICITUDES.

O prazo de presentación das solicitudes será desde o día seguinte ao da publicación das bases e do extracto desta convocatoria no Boletín Oficial da Provincia de Pontevedra (BOPPO) e na Base de Datos Nacional de Subvencións (BDNS) e ata o 29 de febreiro de 2024.

SEXTO. FORMA DE PRESENTACIÓN DE SOLICITUDES.

As solicitudes presentaranse obrigatoriamente na Sede electrónica da Deputación de Pontevedra, <https://sede.depo.gal>, de acordo co procedemento electrónico establecido para o efecto. Deberá acompañarse a documentación esixida conforme a base décima.

SÉTIMO. OUTROS DATOS.

- Procedemento de concesión: concorrencia non competitiva, conforme os requisitos e criterios establecidos nas bases primeira, cuarta e sexta das reguladoras do programa.
- Gastos subvencionables: os recollidos para cada modalidade na base primeira.
- Compatibilidade: non.
- Prazo de execución: desde o 1 de xaneiro de 2024 ata o 30 de novembro de 2024.
- Prazo de xustificación: ata o 30 de novembro de 2024.



Mércores, 20 de decembro de 2023

Núm. 243

- Prórroga dos prazos de execución e de xustificación: ata 3 meses.
- Forma de xustificación: mediante a achega dunha memoria explicativa, conta xustificativa, facturas e demais documentación xustificativa, segundo o previsto na base décimo quinta.
- Ingreso da subvención: unha vez aprobada a xustificación adiantarase o importe da subvención sen necesidade de ter pagados os gastos.
- Forma de pago: todos os gastos que se xustifiquen deberán aboarse mediante transferencia bancaria no prazo dun mes desde que se perciba o ingreso da subvención.
- Trámites posteriores ó pagamento: deberán achegarse os xustificantes de gasto no prazo de dous meses desde a percepción do ingreso da subvención.

Documento asinado dixitalmente á marxe.

